

Musika

- Barakaldo. Rise of the Northstar eta Alerta, Gaur. 20:00etan, Edaska aretoan.
- Bilbo. La Maravillosa Orquesta del Alcohol. Gaur, 19:00etan, Fnac saltokian.
- Bilbo. Euskal Kantu Liriko Berriakemanaldia. Gaur. 20:00etan, Arriaga antzokian.
- Bilbo. Bilboko Udal Txistulari Bandaren kontzertua. Gaur, bihar eta ostiralean, 20:00etan, Euskalduna jauregian.
- Bilbo. Marinah y los Argonautas. Bihar, 21:00etan, Kafe Antzokian.
- Gasteiz, Izaki Gardenak taldearen kontzertua. Gaur, 19:00etan, Unibertsitate pabiloian.
- "Hondarribia. Yacine & The Oriental Groove, Bihar, 20:30ean, Banakon,
- "Zarautz. Rafa Rueda: Enaren geometria. Bihar, 21:30ean. Euskalduna tabernan.
- Zumaia. Donostiako Francisco Escudero eta Errenteria Musikal kontserbatorioetako ikasleen kontzertua. XII. klarinete maratolaren barnean. Gaur. 19:00etan.komentuan.

Antzerkia

Durango. Inungane, sustralak airean, Karrika antzerki taldearekin. Bihar eta etzi, 20:00etan, San Agustin kulturgunean.

Bertsolaritza

- Gasteiz. Txapelketa Nagusia girotzeko, bertso saio didaktikoa, Ruben Sanchezekin. Gaur, 10:00etan, Zadorra AEK euskaltegian. Bihar, ordu berean, Arana AEK euskaltegian.
- = Gernika-Lumo. Bertsolari Txapelketa Nagusiaren inguruko salo didaktikoa. Xabi Pavaren eskutik. Gaur, 19:30ean, kulturetxean.
- Irun. Ostegunetako Bertsogauak. Bertsolariak: Aimar Karrika, Odel Barroso, Gotzon Aizpiolea eta Maddi Ane Txoperena. Bihar, 19:30ean, Kabigorri ostatuan.
- Iruñea. Bertsoaroa. Bertsolariak: Nerea Ibarzabal, Amaia Iturriotz, Irati Majuelo, Maddi Sarasua Laskarai, Egoitz Gorosterrazu eta Mikel Lasarte. Gaijartzailea: Joseba Andoni Beltza. Bihar, 20:00etan, Gurutze plazako institutuan.
- Murgia. Txapelketa nagusia girotzeko egitaraua. Bertsolari filmaren emanaldia. Bihar. 19:00etan, udaletxeko aretoan.
- Villabona. Munduko Kantu Inprobisatuaren Jardunaldiak. Mintzolan, Bertol Arrieta eta Manex Agirrezabalen hitzaldia. Gaur, 19:00etan, Subijana etxe-

■ Zuia. Txapelketa nagusia girotzeko egitaraua. Bertsolari filma. Bihar, 19:00etan, udaletxeko aretoan.

Dantza

- Donostia. Bilgu, kontzertuerromeria, Aiko taldearekin. Gaur, 20:00etan, Euskalduna lauregian.
- 21:00etan, Viktoria Eugenia antzokian

Hitzaldiak

- Aretxabaleta. GKEn esperientzia trukaketa. Bihar. 18:00etan, Arkupen.
- Bilbo. Florence Nightingale. erizaina eta estatista, Txaro Uriarte eta Arantza Urkaregiren eskutik. Emakume zientzialarien hitzaldi zikloaren barnean. Bihar, 19:30ean, Bidebarrietako Liburutegiko ekitaldi aretoan.
- Donostia. Umorez eta baikor bizitzearen poza eta esker ona. Gaur, 18:00etan, Intxaurrondo kultur etxea.
- Errenteria. Arcadi Oliveres Ekonomian katedradunak erabakitzeko eskubidearen gaineko hitzaldia emango du, ekonomiaren ikuspegitik. Gaur, 19:00etan, Kaputxinoetako elizako hitzaldi aretoan.
- Gasteiz. Dos caras de la misma moneda: castellano y euskara, Karmele Jaio eta Mikel Valverderekin, Badu, Badaren harira. Gaur, 19:30ean, Ignacio Aldekoa kultur gunean.
- Getxo. Legion Condorrek eragindako Gernikaren suntsipena erakusketaren inguruko hitzaldia, bonbardaketan izandako pertsonekin solasaldia eta 20 minutuko dokumentala. Bihar, 19:00etan, Abian kultur elkarteko beheko aretoan. Algortan.
- Irun. AHTaren aurkako tarta jaurtitzaileen hitzaldia. Gaur, 19:00etan, Irungo Herrikoan.
- Iruñea. El repunte del hambre: La crisis alimentaria en el marco de la globalización. Karlos Perez de Armiñoren hitzaldia. Bihar, 19:30ean, Hormiga Atomika liburu dendan.
- Leioa. Viviendo Africa, Bio fundazioarekin. Gaur, 12:00etan, EHUko Zientzia eta Teknologia Fakultatean.
- Sestao. Juicio a la transición: Protagonistas, evaluación v alternativas: hitzaldia eta eztabaida, Bihar, 19:00etan, musika eskolako areto nagusian.

Ikus-entzun

Bilbo. Nekazarien borrokak, biodibertsitatea, lurraldea eta elikadura burujabetza dokumental zikloa: El plat o la vida dokumentala. Gaur, 19:30ean, Bilborocken.



Ikusleak dantzan jartzea eta aritu bitartean irakastea dira Alko taldearen helburuak. BERRIA

Pirinioetako erromeria, Bilbon

Musika eta dantza ekitaldi parte-hartzailea egingo du Aiko taldeak, 'Bilgua' azken diskoa aurkezteko

Erredakzioa

Kontzertua, baina ez soilik aditzeko. Ikusleek aukera izango dute jauziak, jotak, mazurkak eta zortzikoak dantzatzeko, besteak beste. Aiko taldearen zuzeneko musikarekin. Pirinioetako artzainen erromerien doinuak joko ditu taldeak. Bilgua diskoa aurkezteko.

Musika-dantza emanaldia doan

Artzainek, antzina, mendian suaren inguruan biltzen zireneko giroa berriz piztu nahi dute musikariok. Aiko kultur elkarte bat da, ez soilik musikari taldea. Hara eta hona ibiltzen dira garai bateko musika eta dantzak berreskuratzen. Baina ohiko dantza ikuskizunetan ez bezala, ikusleak eserlekuetatik atera eta dantzan iartzen dituzte.

Tuntuna, biolina eta danborra erabiltzen dituzte orain. Halako konfigurazio txikiarekin, 20 musika pieza grabatu dituzte diskorako. Esan dutenez, emaitza «xumea eta konplexurik gabekoa, baina, era berean, indartsua eta berritzailea belarri modernoentzat». Bilgua Aiko taldearen zortzigarren diskoa da. Dantzak irakasteko bide zuzena du taldeak: dantza maisuen bidez, urratsak irakasten dizkie parte hartzaileei, horiek dantza egiten duten bitartean. Jon Maia, Larraitz Artetxe. Patxi Laborda eta Vanesa Castaño aritzen dira irakasle lanetan.

MUSIKA-DANTZA

- . Noiz. Gaur, 20:00etan.
- = Non. Euskalduna jauregian,

Burujabetzaren diruak

Arcadi Oliveres ekonomialari katalana erabakitzeko eskubidearen inguruan arituko da Errenterian

Erradaktina

Katalunia eta erabakitzeko eskubideari buruzko hitzaldi sorta antolatu du Errenteriako Batera Bai elkarteak (Gipuzkoa). Gaur, Arcadi Oliveres ekonomialari eta gizarte ekintzailea arituko da hitz egiten erabakitzeko eskubidearen alde ekonomikoaren inguruan. Hurrengo hitzaldian, Kataluniako PSC alderdiko kide izandako Ernest Maragall mintzatuko da.

Oliveres Ekonomian katedraduna da, eta kristau mugimendu progresistan egin du lan, besteak beste, bakearen alde eta armen negozioaren kontra. Justicia i Pau elkarteko presidentea da, 1981. urtetik. Kataluniako haserretuen mugimenduko bultza-



Forcades eta Oliveres, Kataluniako Errepublika sortzeko lanean, DALMAU/EFE

tzaileetako bat da, eta, aurten. Proces Constituent erabakitzeko eskubidearen aldeko mugimendua sortu du Teresa Forcades mojarekin. %99ren Errepublika Katalana eraiki dezagun leloarekin, lehen kanpaina abiatu du berriki mugimenduak.

Argi utzi dute, hasieratik, mugimendua ez dela alderdi politiko bat eta ez dela izango. Mugimendu politikosozialtzat du bere burua, eta Katalunia «sakon» aldatu

nahi du, Oliveres eta Forcadesen kide Vicenç Navarrok adierazi duenez: «Espainiako Estatu hau ez da gure estatua, baina Katalunia hau ere ez dugu gustuko».

Xabier Oleaga kazetari eta Batera Baiko kideak gidatuko du Oliveresen elkarrizketa.

HITZALDIA

- Noiz. Gaur, 19:00etan.
- Non. Kaputxinoetako elizako hitzaldi aretoan, Errenterian.